

IPA LO MUDA PA COLEGIO SANTA TERESITA

ORANJESTAD(AAN) -- Jose Daña, director interino di Departamento di Enseñanza a duna di conoce na DIARIO cu a aloha un gran parti di e alumnonan di School Reina Beatrix den e

edificio di IPA na Wilhelminastraat.

Consecuentemente mester a

busca un otro edificio pa ubica IPA.

Segun Daña, apesar di tur esfuerzo haci no tabata posible pa aloha IPA na Oranjestad.

E solucion pa e problema ta cu lo ubica IPA na Colegio Santa Teresita y e administracion di IPA lo bay

den Centro di Liga di Maria, ambos na Theresitaplein na San Nicolas.

Departamento di Enseñanza ta pidi studiantenan y personal di IPA pa tuma bon nota di e cambio aki y alavez ta duna di conoce cu e promer dia di school di e aña escolar nobo ta 19 di Augustus 1991.

MAESTRONAN DI IPA DESGUSTA PA E FORMA FORZOSO CU NAN A WORDE MUDA

Conta pag.7

Di otro banda nan ta opina cu esey no ta nan problema. E asunto ta cu no por pidi un instituto un par di dia prome cu vacacion termina pa nan core empaketa nan cosnan (nan tin diez aña na e mesun adres) pa bay na un otro lugar sin cu a prepara debidamente.

"Nos ta protesta contra e falta di planificacion aki," ta loke e maestronan a bisa. Esaki ta e critica cu nan tin. "Tabata tin un falta di timing."

Si nan coopera mes cu e mudamento den pura aki, loke nan ta exige awor ta un solucion structural, pa no sosode cu den futuro ora un otro school "basha abao" cu IPA tende cu nan mester bay muda atrobe.

Awor den pura nan mester anuncia na e studiantenan cu Dialuna school di IPA ta cuminsa na Theresia School (nan a haya 6 local) y edificio di Liga di Maria (6 local). No a ni papia mes ainda p.e. di dunamento di carchi di bus pa e studiantenan, etc.

Ayera nan tabata tin un reunion cu Departamento di Enseñanza y nan a boga pa informa e Ministro pa busca manera pa forma un comision pa studia e problema aki.

Mientras tanto IPA ta sigui den e lucha pa haya mas

reconocimento di Gobierno. Nan tin e impresion cu Gobierno no kier ehecuta e proyecto di

bin "tuma over", pero loke ta molestia nan ta e participacion cortico cu nan a haya pa muda.

A bira tempo pa Gobierno busca un solucion pa e problema aki pa loke ta trata localidad di e IPA. Por ehemplo e siman aki mes nan mester a entrevista algun di e alumnonan nobo, pero esaki no por a continua como cu no tin lugar.

Durante un conferencia di prensa cu nan a tene ayeratardi, e maestronan a splica cu nan por compronde cu tin e problema pa cu Beatrix School y cu no por manda tanto mucha pa San Nicolas.

IPA den su totalidad, cu ta e tres metanan principal. Nan tin e idea caba cu Gobierno ta pensa

di bay riba solamente un meta, y pone e otro dosnan como opcion.

Maestronan di IPA ta conven-

ci cu nan lo sigui boga pa Gobierno reconoce e proyect-dossier completo di e Instituto aki cu ta hopi importante pa desaroyo di Aruba, y desaroyo di enseñanza na Aruba.